

東臺縣志卷之二十五 傳六

文苑

史遷雄健班馬裔皇六朝綺靡振起於唐體以代
歧文以人章欽惟

盛世聲教萬方海邦毓秀盪靈摩光作者傑出縑素
流芳志文苑

明

崔第富安人州庠生性清介長於歌詠壽八十六著有
鹿野集行世

崔三錫富安人少入郡庠篤志學問老而不厭長於詩

東臺縣志

卷之二十五

文苑

一

有得卽見諸吟詠壽九十二有遺稿

劉允成安豐人諸生性敏慧於六藝無不究心終年不
問戶外事生平守正不阿處貧約晏如也卒時年僅
四十遠近傷之分司雷私諡曰貞愍

何蓮芳梁槩人好古不倦著有遺稿藏於家

潘道光角斜人自處嚴介至與人接則恂恂如也弱冠
補弟子員試輒高等喜古文詞博極羣書號稱淹雅
學者多宗之

徐應泰楫茶人幼聰穎博極經史旣長敦倫睦族恂恂
有古人風

徐倚楫茶人介直有守人不敢以私干爲學務淹通博
極羣書士林稱之

繆好仁楫茶人方正不阿清介自守弱冠補州庠生好
學能文章老而不倦年八十有五

國朝

王大經字倫表安豐人原籍江西南康父本部

本部見篤行傳

生四子大經其季也少以文詞鳴博涉經史諸子百
家號王武庫陸提學舜嘗稱之日寸心以內有千古
一卷而外無百年其推重如此康熙十二年撰中十
場志書成分司汪兆璋酬以金幣不受著有獨善堂

東臺縣志

卷之二十五

文苑

一一

文集六卷

沈聃開字亦季安豐人守能子

守能見孝友傳

聃開少孤嘗與

兩兄爭割股以救母同里王大成大經吳嘉紀皆以
詩文相尚聃開與之頡頏號東陶四逸著有汲古堂
詩存

王衷丹字太丹安豐人幼孤貧長而工詩深入高岑之
室書法始摹羲獻後仿懷素蕭疎放曠求者恒滿戶
外著有朝尋集

徐振麟安豐人郡庠生爲人溫恭善下言呐呐如不出
諸口然落筆爲詩文輒灑灑千言尤工草書家藏古

圖書甚夥

徐佶楫茶人賦性慷慨排難解紛不計所費博聞能詩
著有小溪集

蔡命仲字天定楫茶人資性絕人而篤於學屬文務期
有裨實用不事經生家言家貧說經授徒一時名流
多出其門

蔡嘉善字鳳池楫茶人少孤讀書好古不屑屑習舉子
業說古今典故時無有能難之者事寡母周最孝待
幼弟友愛有加年未四十而歿鄉人悼之

以上康熙
中十場志

張世爵字從修符驤之父

符驤見
儒林傳

副貢生工詩文與陸

東臺縣志

卷之二十五 文苑

三

舜張幼學爲曲江社友工制藝長洲韓宗伯莪稱之
家貧樂善值歲稔賑粥以濟饑修學宮除三十六家
保正著有覆餘集

新府志參
張氏家譜

傅瑜字琢山安豐人州庠生有文名汪太史楫時過陋
軒訪吳嘉紀必偕瑜倡和竟日著有屋樓賦膾炙人

口

周士奇字瑤圃希賢子

見壽
考傳

本城人性孝友博物洽聞

喜讀異書多著述南莊其別墅也弟士哲字鯤溟磊
落多奇節士林敬憚之其子及從子泰謙友謙搗

孝惟冕皆有聲

中十場志壽
考門移入

周京字洵吉安豐人性孤傲從吳嘉紀游詩尚古淡不入時趨著有柳隱集

徐發大字願小安豐人我達之姪見仕績傳工詩與吳嘉紀

沈聃開倡和弟發莢字萸階亦工吟咏著嶺雲集默菴詩稿

徐渚星字螺胎安豐人我達之孫與其弟樞電字寶孕同爲名諸生皆工詩寶孕尤工畫山水

繆函字函九何梁人郡庠生工詩善書與興化陸種園輩友善種園沒函爲梓其詩餘以行世生平重友誼類如此著有夢覺山人集

東臺縣志

卷之二十五 文苑

四

王凱字蒼舒富安人庠生品端學邃長於制藝著有鷺書閣塾課稿

錢青田字鶴仲富安人歲貢生淹博能文著有忘言集文集小築山房詩稿以上新增

季時泰字雨亭安豐人諸生大來裔孫見隱逸傳性孤冷傲岸善鼓琴著有雨亭詩鈔弟京泰字洛東亦耽吟咏著有芝衫詩

施雲標字井亭安豐人諸生宗鏐裔孫見尚義傳博聞強記讀書至老不倦著有小簣簞詩集此二條鹽法志

繆蓮舟字泗山楸茶人貢生篤實好學行止不苟從游

者甚衆如夏溶錢高翀任蕃皆出其門

錢高翀字雲友本城人恩貢生工制藝幼喪父受母教
端莊簡重不苟取與鄉里重之

陸友信本城人諸生性行端慤善屬文設教里門從游

甚衆乾隆三十四年舉優行於鄉

以上
新增

德行本也文藝末也舍本而取末君子弗貴已茲
錄率皆有行而尤長於文者至若工爲制藝史傳
未嘗稱焉而明史已及艾東鄉陳大士諸人故並
錄之亦不沒其人之意云爾

如有